



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nobili Viro L. de Aquila Comiti Fundano.

urn:nbn:de:hbz:466:1-20006

Vide supra epist.
157.

per scriptum nobis à venerabilibus fratribus Panormitano, Capuano, Reginensi, Montis Regalis Archiepiscopis & Trojano Episcopo sub ejusdem Imperatricis bullâ transmissum, ad defensionem regni tanto amplius aspiramus, quanto plus præter debitum officij pastoralis de statu & quiete ipsius tenemur specialius cogitare. Verum ne quid ex contingentibus omittamus, dilectum filium nostrum I. tituli sancte Pudentianæ Presbyterum Cardinalem & apostolicæ sedis Legatum ad dilectos filios nobiles viros P. Celenan. & R. Teatin. Comites, quos verè fideles regni & Ecclesiæ Rom. devotos invenimus, cum non modica pecunie quantitate in stipendia militum eroganda dirigimus, ut per eos & militum nostrorum subventio & defensio regni celeriter & utiliter procuretur. Studete igitur omnes & singuli taliter præparari, ut pro regni defensione resistatis violentię Marcoualdi, qui perpetuae vos nititur tradere servituti.

ARCHIEPISCOPI S,
Episcopis, & universis Ecclesiârum
Prælatis in Sicilia constitutis.

Epist. 561.
De eodem ar-
gumento.

PRÆTER generale debitum &c. usque ad verbum mandavit. Licet autem ad suscipiendam tutelam Regis ipsius & regni balium assumendum ad regni jugiter præparemur ingressum, quia tamen negotium dilationem non capit &c. in eundem ferè modum usque ad verbum afflatis, & nos ad honorem Regis ipsius super ejus tutela & regni balio afficureis, sicut dicta disposuit Imperatrix; ut ex hoc fides, quam circa eundem Regem & nosipos habetis, manifestis elucescat, & nos ad honorem vestrum intendere non immerito debeamus. Nos enim &c. usque ad verbum Attendentes igitur qualiter Regi renamini memorato &c. usque ad verbum curetis adesse, quod ex hoc nos vobis constitutatis quodammodo debitores. Præcavete vobis &c. usque in finem.

G. S A N C T Æ M A R I Æ
in portico Diacono Cardinali,
apostolice sedis Legato.

Epist. 562.
Ipse gubernationem Regis minoris & regni Siciliae cōmittit.

CONSTANTIAM tuæ mentis, prudentiam, dispositionem in arduis negotiis apostolicæ sedis experti, certitudinem de fortitudine quam in negotiis regni Siciliae pro statu & honore ipsius

manutenerendo immo etiam promovendo in melius tam nostris quam prædecessorum nostrorum temporibus habuisti, quod ad præsens circa tutelam carissimi in Christo filij nostri F. Siciliæ Regis illustris & regni dispositionem implere per nos ipsos personaliter non valemus, tibi fiducialiter duximus committendum, scientes quod in his, sicut & aliis negotiis tuæ curæ commissis, honorem sedis apostolicæ * utiliter & efficaciter promotebis. Hac igitur consideratione induiti, auctoritate tibi præsentium indulgemus ut in negotiis sollicitudini tuæ commissis, que vel ad tutelam Regis vel regni dispositionem pertinere cognoveris, vice nostra sublato appellationis impedimento, prout melius videris expedire, procedas.

N O B I L I V I R O
L. de Aquila Comiti Fundano.

QUOD in obsequio & fidelitate inclytæ recordationis Constanciæ Imperatricis fortiter persististi, quod inimicis regni restitisti viriliter, & eos etiam expugnasti, gaudemus plurimum, & ex hoc futuræ devotionis tuæ sumimus argumentum; sperantes, immo etiæ pro certo tenentes, quod jam nunc in regni tuitione fortius perseveres, cum ad nos præter id quod regnum Siciliae ad jus & proprietatem Ecclesiæ pertinet, specialius ipsius defensio spectare noscaratur. Siquidem Imperatrix prædicta legitimum condidit testamentum, quo nobis carissimi in Christo filij nostri F. Siciliæ Regis illustris tutelam & curam regni concessit; ac postmodum vigesimo septimo die mensis Novembris viam est universæ carnis ingressa. Vnde cum de fratrum nostrorum consilio regnum dante Domino ingredi disposuerimus, ad ipsum solidandum in ejusdem Regis fidelitate ac obsequio, & tranquillitate, pace, ac justitia conservandum, dilectum filium nostrum I. tituli sancti Stephani in Cœlio Monte Presbyterum & G. sancti Adriani Diaconum Cardinales, quos inter fratres nostros syncero prosequimur dilectionis affectu & specialis benevolentia brachiis amplexamur, ante faciem nostram duximus præmittendos: qui & adventum nostrum prænuntient, & de benevolentia & gratia, quam ad eundem Regem & regnum gerimus, vos efficiant certiores. Ideoque nobilitatem tuam ro-

* f. viii.

Epist. 561.
Vi Legatis ipsi
Rolicis obtem-
peret, & confi-
lio aquæ auar-
lio fit.

gamus, monemus, & per apostolica tibi
lcripta mandamus, quatenus Cardinales
ipos tanquam Legatos apost. sedis sus-
cipiens humiliter & devotè, vel ad ipsos
vocatus accedens, quæ tibi ex parte no-
stra duxerint proponenda, humiliter au-
diás, & efficaciter prosequaris. Ad obse-
quium etiam nostrum & regni defensio-
nem taliter accingaris, ut cùm manda-
tum nostrum ad te iterum emanarit, ni-
hil te prorsùs detineat, quin, si necesse
fuerit, nos sequaris, vel ad resistendum
inimicis regni & Ecclesiæ juxta disposi-
tionem nostram procedas.

PANORMITANO, CAPVANO,
Regin. & Montis Regalis Archiepiscopis,
& Episcopo Trojano.

Epist. 564.
Ejusdem agu-
menti.

PRÆTER generale debitum officij pa-
storali, per quod universis Christi
fidelibus & singulis provinciis, in quibus
nomen colitur Christianum, solicite co-
gitare tenemur, illa prærogativa dilec-
tionis & gratiæ, quam prædecessores
nostræ circa regnum Siciliæ præteritis
temporibus habuerunt, & fidei ac devo-
tionis synceritas, quam idem regnum &
Principes ejus ferè semper exhibuerunt
apostolicæ sedi, ad providendum eidem
regno specialiter nos inducunt: quibus
nunc causa potior & urgenter superven-
it, cùm inclytæ recordationis Constan-
cia Imperatrix carissimi in Christo filij
nostræ Friderici Siciliæ Regis illustris tu-
telam & regni balum nobis testamento
reliquit, & nos super utroque ab omni-
bus asscurar mandavit. Licet autem te-
stamentum Imperatricis ejusdem nobis
expectemus per vestros nuntios destina-
ri, quia negotium dilationem non capit,
cùm Marcoaldus Dei & Ecclesiæ inimi-
cus, persecutor regni, non dormiat, sed
regnum perturbare immo etiam occupa-
re cum suæ iniquitatis fautoribus molia-
tur, dilectum filium nostrum G. sanctæ
Mariæ in porticu Diaconum Cardina-
lem, apostolicæ sedis Legatum, virum uti-
que providum & discretum, verum & ve-
terem regni Siciliæ amatorem, qui pro
honore ipsius nullius erubuit faciem po-
testatis, quem inter fratres nostros spe-
ciali diligimus caritatis affectu, in Sici-
liam duximus destinandum, vices nostras
ei tam super hoc quam alii negotiis cō-
mittentes. Credimus enim quod per *dis-
positionem & providentiam ejus in fide-
litate Regis ipsius & devotione nostra

regnum solidabitur universum, & mali-
gnantium perfidia confundetur. Ideoque
fraternitatem vestram rogamus, mone-
mus, & exhortamur attentiùs, ac per
apostolica vobis scripta præcipiendo
mandamus, quatenus Legatum eundem
tanquam personam nostram recipientes
humiliter & devotè, taliter ei super no-
stris & ejusdem Regis negotiis assistati-
quod in hoc manifestius appareat fides
vestra, & ex eo tam piam Imperatricis
dispositionem de vestro, sicut jam credi-
mus, cognoscamus processisse consilio,
quod eam non patiamini effectu debito
defraudari. Nos enim nec labor personæ
nec ulla negligentia revocabit ab illis
quæ nos facere deceat, & tanto videan-
tur negotio expedire. Attendentes igitur
qualiter nobis & Regi teneamini me-
morato, ad honorem & salutem ipsius &
nostram utiliter & efficaciter eidem Le-
gato curetis adesse, dispositionem & sta-
tuta ipsius velut nostra recipientes hu-
militer, & inviolabiliter observantes,
cùm de sinceritate ac industria vestra in-
dubitata fiduciam habeamus. Præca-
vere vobis & regno ab insidiis Marc. qui
licet aliud mentiatur, regnum tamen non
Regi sed sibi usurpare contendit, & in
vos & alios Teutonicorum cædes &
suam & suorum injuriam vindicare: de
quo non est aliquatenus diffidendum,
cùm etsi continget eum in regnum
procedere, non tamen proficeret immo-
potius deficeret labor ejus; præsertim si
Sicilia fideliter in ejusdem Regis fidelita-
te ac Ecclesiæ Rom. devotione persistat.
Nos autem contra eum validum exerci-
tum destinamus.

ILLUSTRI REGI Siciliæ.

QVOD prima primi lactis pocula
tibi Dominus ab initio miscuit,
quod vix bene balbutientem infantiam
quasi continuata reddidit lamentatione
disertam, & recenti pueritiæ non solùm
recentem sed & repetitum amaritudinis
calicem propinavit, tibi tanquam spe-
ciali apostolicæ sedis filio specialiter
condolemus, & tecum pariter & in te
propinata tibi amaritudinis violentiam
experimur. Recepimus enim per dilectos
filios magistrum G. Subdiaconum no-
strum & L. judicem nuntios tuos, viros
peritos, providos, & discretos, tuæ ser-
nitatis literas, doloris & gemitus expref-
sionem.

Epist. 565.
Consolatoria
super morte pa-
tris & mattis.

Sij

* dispensatio-